



NAJAVA AKTIVNOSTI HISTORIJSKOG MUZEJA BIH POVODOM KONCERTA GRUPE LAIBACH U
SARAJEVU

- OTVORENJE IZLOŽBE NSK SARAJEVO I PREDSTAVLJANJE ARHIVA NSK U HMBIH -

U okviru procesa obogaćivanja kolekcije „Opkoljeno Sarajevo“, a povodom koncerta grupe Laibach Historijski muzej BiH će predstaviti dio NSK arhiva koji se odnosi na kulturni život Sarajeva za vrijeme opsade. Grad Sarajevo i grupa Laibach imaju posebno snažnu vezu, koja se najviše ogleda kroz činjenicu da je Laibach jedan od izvođača koji je održao koncert u opkoljenom Sarajevu – a održavanje koncerta se podudaralo sa potpisivanjem Daytonskog mirovnog sporazuma. Više od dvije decenije nakon „historijskog koncerta“ smo otvorili priču o koncertu Laibacha iz 1995. godine koja će biti predstavljena kroz izložbu „NSK država Sarajevo“. Priča o koncertu je ispričana kroz fotografske zapise Zorana Kanlića, svjedočanstva i dokumente građana Sarajeva. Historijski muzej BiH je u procesu prikupljanja građe za kolekciju „Opkoljeno Sarajevo“ ostvario brojna partnerstva – jačanjem veza sa savremenim društvom i međuinstitucionalnom saradnjom. Jedna od institucija je Fakultet političkih nauka u Sarajevu. Rezultat ove saradnje je razgovor na temu „Sarajevo 1995-2018: Kovanje budućnosti na historijskom mjestu spoticanja“ sa Ivanom Novakom iz Laibacha. Razgovor će se održati na dan novog koncerta grupe Laibach, 29.3.2018. godine, u sklopu predstavljanja izložbe „NSK država Sarajevo“. Izložba će biti predstavljena i na Fakultetu političkih nauka u Sarajevu.

Na dan održavanja koncerta Laibacha u Sarajevu, 29.3.2018. godine, će u Historijskom muzeju BiH biti održane sljedeće aktivnosti:

13:00 Dolazak članova grupe Laibach u muzej

13:10 Obilazak postavke „Opkoljeno Sarajevo“ i integriranje priče o koncertu Laibacha iz 1995. godine u stalnu postavku „Opkoljeno Sarajevo“

13:30 Otvorenje izložbe „NSK Sarajevo“ fotografa Zorana Kanlića

13: 45 Davanje izjava za medije

- Članovi grupe Laibach
- Fotograf Zoran Kanlić
- Elma Hašimbegović / Elma Hodžić, HMBiH
- Jasmin Hasanović, Fakultet političkih nauka u Sarajevu
- Svjedoci koncerta Laibacha iz 1995.

14:00 „Sarajevo 1995-2018: Kovanje budućnosti na historijskom mjestu spoticanja“

Razgovor sa Ivanom Novakom, NSK/Laibach

Moderator: Jasmin Hasanović, FPN

Ove aktivnosti su samo jedna od faza kojom nastojimo obogatiti kolekciju „Opkoljeno Sarajevo“. Historijski muzej BiH će imati svoj kutak za prikupljanje u Domu mladih, u toku koncerta. Pozivamo Vas da dođete u Muzej i ispričate svoje NSK, ali i brojne druge priče!

S poštovanjem,

Tim Historijskog muzeja BiH